

পরম করণাময় ও অসীম দয়ালু আল্লাহর নামে  
**বাংলাদেশ ট্যানার্স এসোসিয়েশন (বিটিএ)**  
 দ্বি-বার্ষিক নির্বাচন (২০১৯-২০২০)  
 নির্বাচন বোর্ডের দণ্ড  
 বাড়ী # ৮৮, ফ্ল্যাট # এ-১ (লেভেল-১), রোড # ৭/এ, ধানমন্ডি, ঢাকা-১২০৯।  
 ফোন : ০২-৯১৩৮৪৬২, ফ্যাক্স : ০২-৯১৩৮৪৭৬ ই-মেইল: tanners@net2bd.com

তারিখ : ১৮ নভেম্বর, ২০১৮

**বাংলাদেশ ট্যানার্স এসোসিয়েশন (বিটিএ) এর কার্যনির্বাহী কমিটি (২০১৯- ২০২০) নির্বাচনের নির্বাচনী আচরণ বিধি**

সুষ্ঠু, অবাধ এবং নিরপেক্ষ নির্বাচন অনুষ্ঠানের লক্ষ্যে বাণিজ্য সংগঠন বিধিমালা ১৯৯৪, বাংলাদেশ ট্যানার্স এসোসিয়েশন (বিটিএ) এর সংঘবিধি অনুযায়ী নিম্নলিখিত আচরণ বিধি প্রণয়ন করা হলঃ

তফসিল ঘোষণার তারিখ থেকে এ আচরণ বিধি কার্যকর হবেঃ

(ক) 'ব্যালট নম্বর' এর ভিত্তিতে নির্বাচন অনুষ্ঠিত হবে এবং কোনো প্রার্থীর অনুকূলে কোনও ধরণের প্রতীক বরাদ্দ হবে না। নির্বাচনের সময় কেবলমাত্র 'ব্যালট নম্বর' ব্যবহার করা হবে।

(খ) নির্বাচন সংক্রান্ত বিষয়ে বিজ্ঞাপন, পোষ্টার লাগানো, দেওয়াল লিখন এবং ব্যানার স্থাপন করা যাবে না।

(গ) মিছিল করা এবং যে কোন প্রকার শ্লোগান দেয়া সম্পূর্ণভাবে নিষিদ্ধ।

(ঘ) A4 আকারের সাদা কালো লিফলেট ভোটারদের নিকট প্রেরণ করা যাবে কিন্তু কোন প্রকার উপটোকন পাঠানো যাবে না।

(ঙ) কোন হোটেলে বা রেস্টুরেন্ট বা কমিউনিটি সেন্টারে কোন প্রার্থী বা তার সমর্থক প্রত্যক্ষ বা পরোক্ষভাবে নির্বাচনী সভা বা প্রজেক্ট মিটিং করতে পারবেন না বা ভোটারদের জন্য কোনো বিনোদন পার্টির ব্যবস্থা করতে পারবেন না।

(চ) নির্বাচন বোর্ড ও আপীল বোর্ডের তত্ত্বাবধানে সকল প্রার্থী গ্রহণ ভিত্তিক কেবলমাত্র একটি নির্বাচনী সভার আয়োজন করতে পারবেন।

(ছ) নির্বাচন অনুষ্ঠানের ৪৮ ঘন্টা পূর্ব হতে সকল প্রকার প্রচার প্রচারনা সম্পূর্ণভাবে নিষিদ্ধ।

(জ) নির্বাচনের দিন ভোট কেন্দ্রের ১০০ গজের মধ্যে প্রার্থী বা তাদের সমর্থকদের প্রচার বিষয়ক কোনো সভা বা জমায়েত, ব্যাজ ধারন এবং পোষ্টার লাগানো সম্পূর্ণভাবে নিষিদ্ধ।

(ঝ) নির্বাচনী বোর্ড কর্তৃক প্রদত্ত নির্দেশ লঙ্ঘন করে কোন প্রার্থী বা ভোটার বিনা প্রয়োজনে নির্বাচন কক্ষে অবস্থান করতে পারবেন না।

১. নির্বাচনী বোর্ডের চেয়ারম্যানের সভাপতিত্বে গ্রহণ ভিত্তিক সভার আয়োজন করা হবে। চেয়ারম্যান দ্বারা নির্ধারিত সময়ের মধ্যে প্রার্থীগণ ভোটারদের পরিচয় দিতে পারবেন। ব্যক্তিগত বিবৃতি বা রাজনৈতিক বিবৃতি কঠোরভাবে নিষিদ্ধ থাকবে। নির্বাচনী বোর্ড গ্রহণ ভিত্তিক সভার খরচ মেটাতে সকল প্রার্থীদের নিকট সমান হারে ফি ধার্য করতে পারেন।
২. উপরে উল্লেখিত আচরণবিধি লঙ্ঘনের ক্ষেত্রে, বা এই ধরনের লঙ্ঘনের বিরুদ্ধে দায়ের করা কোনও অভিযোগের ক্ষেত্রে, নির্বাচনী বোর্ড অবিলম্বে যথাযথ পদক্ষেপ নেবেন, প্রয়োজনীয় ক্ষেত্রে সংশ্লিষ্ট প্রার্থীর প্রার্থীতা বাতিল করতে পারবেন। যদি ভোটদান তারিখের পূর্বে এই ধরনের লঙ্ঘন ঘটে তবে নির্বাচনী বোর্ড কর্তৃক গৃহীত সিদ্ধান্তের পর প্রার্থী নির্বাচন আপীল বোর্ডে পরবর্তী কার্যদিবসের মধ্যে আপীল করতে পারবেন।
৩. যদি ভোটদানের দিন এই ধরনের লঙ্ঘন ঘটে, তবে পরবর্তী ১ ঘন্টার মধ্যেই বা ভোট দিবসের ভোটের শেষ হওয়ার আগেই আবেদন দাখিল করতে হবে। আচরণবিধির লঙ্ঘনের এই ধরনের বিষয়গুলি নিষ্পত্তি করার জন্য নির্বাচনী আপীল বোর্ড ভোটের সময় ভোট কেন্দ্রে উপস্থিত থাকবে। এই বিষয়ে নোটিশ বোর্ডে প্রদত্ত নোটিশ বৈধ হিসাবে বিবেচিত হবে। ভোট গণনা শুরু করার আগে আচরণবিধি লঙ্ঘনের সকল বিষয় নিষ্পত্তি করতে হবে।
৪. নির্বাচনী বোর্ড ভোটকেন্দ্রের ভোটারদের সংখ্যা নিয়ন্ত্রণ করবে। শুধু নির্বাচনী বোর্ডের সদস্য, আইন প্রয়োগকারী সংস্থা, এজেন্ট, প্রার্থী এবং ভোটারদের ভোটকেন্দ্রে প্রবেশের অধিকার থাকবে।
৫. ভোটকেন্দ্রে ভোট প্রদানের জন্য এক জন ভোটারকেই প্রবেশের অনুমতি দেওয়া হবে। কোন পরিস্থিতিতেই গোপন ব্যালট পেপার ভোটকেন্দ্রের বাইরে নেওয়া যাবে না।
৬. ভোটকেন্দ্রের সকল ভোটার নির্বাচনী বোর্ডের তত্ত্বাবধানে গোপন ব্যালটের মাধ্যমে ভোট দেবে। নির্বাচনী বোর্ড কোনও নির্বাচনী প্রার্থী বা ভোটারকে ভোট কেন্দ্রের এলাকা থেকে বহিকার করার অধিকার রাখে যদি প্রার্থী বা ভোটার আচরণবিধি লঙ্ঘন করেন।

(পাতা-১)



M. Md. Jahan.

(পাতা-২)

৭. নির্বাচনী বোর্ড ভোটকেন্দ্রে প্রার্থীদের অবস্থানের স্থান নির্ধারণ করবেন।
৮. কোন ভোটারকে ভোটকেন্দ্রের কোনও ভোটারের সাথে কোনো কথোপকথনে অনুমতি দেয়া হবে না। নির্বাচনী বোর্ড বা নির্বাচন কর্মকর্তার সতর্কবার্তা সঙ্গেও যদি কোন প্রার্থীকে ভোটকেন্দ্রে ভোট দিতে প্রভাবিত করার জন্য কথোপকথনে জড়িত দেখা যায় তবে সে প্রার্থীর প্রার্থীতা বাতিল হতে পারে, তবে তাকে শুনানীর সুযোগ দেওয়া হবে।
৯. নির্বাচনী বোর্ড ব্যালট পেপারের ধরণ নির্ধারণ করবে। ব্যালট পেপারের Counter Foil-এ, ব্যালট পেপারের সংখ্যা খোদাই করা হবে এবং ব্যালট পেপার বাধ্যতামূলকভাবে এসোসিয়েশনের সীল এবং নির্বাচন বোর্ডের চেয়ারম্যানের স্বাক্ষর বহন করবে, অন্যথায় এটি বৈধ হবে না।
১০. ভোটার তালিকাতে ভোটার নাম্বার, ভোটারের নাম এবং ঠিকানা সনাক্তকরণ নম্বর (টিআইএন) থাকবে। নির্বাচনী বোর্ড কর্তৃক প্রদত্ত ছবিযুক্ত আইডেন্টি কার্ড অথবা এসোসিয়েশন অফিসে সংরক্ষিত নমুনা স্বাক্ষরের ভিত্তিতে ভোটারকে চিহ্নিত করতে হবে; আইডেন্টি কার্ড না থাকলে বা নমুনা স্বাক্ষরের পার্থক্যের ক্ষেত্রে ভোটারকে ভোট দেয়ার অনুমতি দেয়া হবে না।
১১. ছবিযুক্ত আইডি কার্ড অথবা এসোসিয়েশন অফিসে সংরক্ষিত নমুনা স্বাক্ষরের ভিত্তিতে ভোটারকে নিঃসন্দেহে চিহ্নিত করা গেলে নির্বাচন কর্মকর্তা ব্যালট পেপারের Counter Foil-এ ভোটার নাম্বার ও নাম লিখে ভোটারের স্বাক্ষর নিবে, তারপর নিজের স্বাক্ষর ও সঠিকভাবে সীল দিয়ে পূরণ করে ভোটারকে ব্যালট পেপার হস্তান্তর করবে এবং Counter Foil সংরক্ষণ করবে। কোন ক্ষেত্রে কোন ভোটারকে একাধিক ব্যালট পেপার দেয়া হবে না।
১২. যদি কোন ভোটার শারীরিকভাবে ভোট দিতে অক্ষম হয়, তাহলে নির্বাচনী বোর্ড ভোটদানের কর্মকর্তাদের মধ্যে একজনকে নিয়োগ করবে ভোটকেন্দ্রে এ ভোটারকে সাহায্য করার জন্য।
১৩. নির্বাচনী বোর্ড, ভোট গ্রহণ শুরু হওয়ার অন্তত ১৫ মিনিট আগে এবং প্রার্থীদের উপস্থিতিতে (যদি উপস্থিত থাকে), নিশ্চিত করবেন যে ব্যালট বাক্সটি খালি, এবং এটি বক্স ও সিল করবেন এবং সিলড ব্যালট বাক্সটি সঠিকভাবে প্রার্থী ও ভোটারদের দৃশ্যমান স্থানে রাখবেন।
১৪. ভোটকেন্দ্রে একই সময়ে একাধিক ব্যালট বাক্স ব্যবহার করা যাবে না। ব্যালট বাক্সটি পূর্ণ হলে নির্বাচন বোর্ডের চেয়ারম্যান ব্যালট বাক্সটি সীলনোহর করবেন এবং এটি একটি নিরাপদ এবং দৃশ্যমান স্থানে সংরক্ষণ করবেন এবং অন্য একটি খালি এবং সিলড ব্যালট বাক্স দ্বারা প্রতিস্থাপন করবে।
১৫. ভোটের বিরতির সময় বা ভোটের সময় স্থগিত করা হলে, ব্যালট বাক্সটি সিল করা হবে এবং নির্বাচনী বোর্ড ভোট পুনঃসূচনা করার নির্দেশ না দেওয়া পর্যন্ত সংরক্ষিত থাকবে।
১৬. নির্বাচনী সময় সূচিতে নির্ধারিত তারিখ ও সময়ের মধ্যে ভোট কেন্দ্রের সকল ভোটারদের ভোট দিতে হবে।
১৭. ভোট শেষ হওয়ার পরে গণনা শুরু হবে এবং একটানা গণনা শেষ করতে হবে। ভোট গণনাকালে প্রার্থীদের উপস্থিত থাকতে হবে। যদি কোন প্রার্থী ব্যক্তিগতভাবে উপস্থিত থাকতে না পারেন তবে তাকে নির্বাচনী বোর্ডের পূর্ব অনুমতি নিয়ে তার পক্ষে একজন প্রতিনিধি নিয়োগের অনুমতি দেয়া হবে।
১৮. ব্যালট পেপার, ব্যালট বাক্স সংরক্ষণ ও ভোট গণনা ইত্যাদি প্রয়োজনীয় সকল কার্যাদি বিটিএ এর সংঘবিধি অনুযায়ী সম্পন্ন হবে।
১৯. সংরক্ষিত দলিলপত্র শুধুমাত্র নির্বাচনী আপীল বোর্ড, ট্রাইব্যুনাল, সরকার, বা আদালতের আদেশ অনুসারে সংশ্লিষ্ট প্রার্থীর (দের) উপস্থিতিতে পরীক্ষার জন্য খোলা যাবে।



M. S. Jahan.  
(এম. শাহজাহান)  
চেয়ারম্যান  
নির্বাচন বোর্ড  
নির্বাচন বোর্ডের দপ্তর

অনুলিপি: সদয় অবগতির জন্য প্রেরণ করা হলোঃ

- ১। সম্মানিত সদস্যবৃন্দ/ভোটার/প্রার্থীগণ।
- ২। নির্বাচন বোর্ড ও নির্বাচন আপীল বোর্ডের সম্মানিত সদস্যগণ।
- ৩। নোটিশ বোর্ড।